

14TH SITTING ON 1ST APRIL, 1993.

PRESENT

PU ROKAMLOVA Speaker at the Chair, Chief Minister and 22 Members were present.

QUESTIONS

1. QUESTIONS entered in separate list to be asked and oral answers given.

LAYING OF PAPER

2. PU R.TLANGHMINGTHANGA to lay on the table a copy of the Rules of Procedure and Conduct of Business in Mizoram Legislative Assembly (Mizo Version).

MOTION FOR ELECTION TO COMMITTEE

3. PU LAL THANHAWLA, Minister in-charge Parliamentary Affairs to move a motion for Election to Committee in the following forms :-

" That the members of this House do proceed to elect in the manner required under Rules 253 A of the Rules of Procedure and Conduct of Business in Mizoram Legislative Assembly 7 (seven) members amongst themselves to serve as members of the Committee on Public Undertakings for a terms of 30 months from the date of its formation".

LEGISLATIVE BUSINESS

Bill to be considered and passed

4. PU LAL THANHAWLA, Chief Minister to move -
 - (i) That the Mizoram Publication Board Bill, 1993 be taken into consideration;
 - (ii) That the Bill be passed.

Starred Question for thirteenth session March - April, 1993 for Answers on Thursday, the 1st April, 1993.

S P E A K E R : AW Fathian ro mi rel la,
Fathian ngaihsak lo hnam chungah
hian thu mi sawi pui ang che.
AW mi bum hmang mi dik lo lakah
hian mi chhanhim ang che. Nang chu ka chakna Fathian i ni .

si a, engah nge mi thlahthlak ang le, engahnge mi dotu hnehchhiahna avanga lungngai a, ka van ruai thin le, Aw i eng leh i thutak chu tir chhuak la, anni chuan min hruai sela, i tlang thianghlim leh i awmna chu min thlen rawh se.

Sam 43 : 1 - 3.

Zawhna 259 Pu Tawnluia'n han zawt sela.

PU TAWNLUIA : Pu Speaker, ka question 259 -
When and how much will the post
matric scholarship be given to
the students of one year B.A.
and others for the academic year, 1992 - 93 ?

PU LAL THANHAWLA : Pu Speaker, the Hon'ble members
CHIEF MINISTER question reply like this - The
sum of Rupees 400 lakhs had
already during 1992-93 post
matric scholarship and Rupees 23 lakhs two thousand eight
hundred thirty seven and all has been sanction for one
thousand seven hundred thirty four students and in dis-
bursed out of this as many as 762 belongs to 1 year B.A.
students.

PU LALRAWNLIANA : Pu Speaker, zawhbelhna- tuna
sem leh tur chuan heta pek loh
zirlai 879 la awm tia Chief
Minister zahawm tak hnena zirlai-
te pawhin a an thlen, khami kha a daih x ang em ? tih ka
zawt a. Tin, kumin Budget atang hian kum lo kal tura scho-
larship daih tur awm tawk a dah a ni em ? Tin, a figure
chiah hriat loh mahsela, nikuma kan scholarship hi a vain
plan leh non-plan ah 62 leh C.S.S. ah a vain 133 lakhs a
ni a, kuminah hian kan budget provision ah chuan merit scho-
larship nen plan leh non-plan ah khan lakhs 62 a awm a.
Tichuan nikumah 133 in a daih loh chuan kuminah an lo pung
dawn si a. Plan ah leh non-plan ah kan pass tawh a, a lan
dan maiah chuan zirlai lo pung tur nen khan a daih dawn lo
va, Central sponsor scheme ah hian a daih thei tur kan bei-
sei dawn nge ni, token provision dah a ni a, keimahni state
plan atang hian kan increase a tlem riau mai a, chu laia
chu khawngaih takin a rawn sawifiah thei angem ?

Dr R. LALTHANGLIANA : Pu Speaker, nikum khan 10741
scholarship hmu tur ang chi a
kha tunkum kal ta kha niin a
lang a. Tah khan budget kan
en khan nuai 53 emaw dah niin a lang a. Chutihlai chuan
kan Minister in a rawn chhannaah khan nuai 140 dawn lai
kha sen ngai tur angin a rawn sawi a, ka hma ami zawhna
ang khan kuminah hian budget a a lan dan a tlem ta lutuk a.

Chutihlain kan High School leaving exam a beitu a te kha 15288 an tling a ni. 5000 khan an pung a, chuvang chuan budget ah a danglamna a lang chuang si lova, harsatna kan tawh leh hmelin a lang a, helala hi a hranpa liau liauin kuminah phei chuan kum tawp dawnah keipawh office ah ka va kal a, an hah em em mai a. Department hrang hranga pawisa puk khawm dan an Director ten an ngaihtuah a, chuvang chuan hei hi tihpun dan a awm lawm ni tih ka zawt duh a. Kum dang zawng zawng aia scholarship an lak tlaina chhan hi min hrilhfiah thei se tiin zawhna ka pe duh a.

Tin, scholarship board ah hian Secretary nen hian staff pali chiah an awm a, Mizoram scholarship post matric ah hian chi hrang hrang a awm a, heng zawng zawng khawih tur atan chuan a staff te an indaih lo lutuk a, hei hi tihpun tumna emaw a theih phei chuan Autonomous body MBSE te anga Department hrang hrangte leh Fellowship heng technical study tiho tan pawha ruahmanna hi he department tharah hian khung dan a awm lawm ni tih ka zawt duh a ni.

PU R.ROMAWIA : Pu Speaker, zawhbelhna - Zirlai zawng zawngin lak vek tur tihna em ni ? Nge ni a percent te hi kenkawh tul kan ti lem lo.

PU LAL THANHAWLA : Pu Speaker, member zahawmtak
CHIEF MINISTER Khawzawl bialtu in a rawn sawi kha, tun tum kum kal mek application a kha eng eng emaw kim lo leh tel lo te a awm avangin 532 reject a ni a. Tin, private College pali Nehu in appropriation an la pek loh, chumi a zirlai 390 emaw lai kha pek theih loh a ni bawk a, chulalah chuan a zavain 92-93 ah khan nuai 140 pek chhuah a ni a.

Tin, tunah hian chumi kum pawisa veka chu nuai 23 leh 2837 sem chhuah mek a ni a, hemi hma hian mi 168 hnenah vaibelchhe khat leh nuai 17 leh 3169 disbursed a ni tawh bawk a. Tin, hemi zingah hian 1 year B.A. 1053 an tel a ni.

Tin, member zahawmtak Lunglei North bialtu in a zawha kha, hemi stipend chi hrang hranga hi neih tho a ni a, a tul angin pek chhuah a ni a. Tin, scholarship Board a staff in daih loh chung changa hi tunah mai chuan ka la hre rih lova, a tlangpui thua ken zawn hleihtheih loh te a awm a, mahse kan certified vek zel a. Khang kha strict tur nge ni, strict loh tur ka hre lova, a dan kan zawn hi chu kan himna ber chu a ni mai a, chuvang chuan a verify tu pawh kha kan fimkhur tlan chuan sor- kar tan pawh a awlsam leh zual ang a.

Tin, scholarship hi in daih ngei turin kan ruahman ang.

PU TAWNLUIA : Pu Speaker, zawhbelhna - Tikhan nikum 92-93 a a daih lohna kha a daih ta em ?

PU LAL THANHAWLA : Pu Speaker, nikum ami hrim hrim
CHIEF MINISTER a chu tuna a lan danah chuan a daih ta niin a lang a, amaherawh-chu kan sawi takah khan mi then-khatin an sawinaah hi chuan hemi kan reject a te leh College appropriation a te kha a tel niin a lang a, mahse a fel lo a awm chuan kan lo endik mai ang.

PU TAWNLUIA : Post Matric scholarship ah hian entirnan miin M.A. emaw thil dang Doctorate degree te emaw an lo zirin an lo pass ta a, khami level pui bawk kha course dang an lo ti leh ta a. Chutah chuan Post Graduate Scholarship kha pek zel theih a ni em ? khami course atan vawi khat a lo hmuh tawh a, a fare tawk bawk si chuan a pek leh theih tawh loh em ni ? Kha kha ka han zawt duh a ani. A dawt lehah chuan Pu Speaker, College deficit a hlankai chungchangah sorkar thiltih dan leh thirna hi a criteria dik taka thir lovin Minister bial emaw kan bial hual deuh emaw anih avanga kumin hian Private College te hi deficit a hlankai an ni tih hi a dik em ? Entirnan - Aizawl West College hi a din ni leh kum a tlai deuh va, tih lohah chuan tehna dang zawng zawngah chuan khum theih a ni hauh lova ni. Zirlai 1000 rual an awm a, dik tak chuan Khawzawl College te pawh a tha a ni. Tuna deficit a kan hlankai ai te chuan Khawzawl College leh Aizawl West College te hi an tha zawk daih. Chuvangin political consideration hi college deficit a hlankai chungchangah hian danah a tel em ni ? tih kha ka zawt duh a ni.

PU LAL THANHAWLA : Pu Speaker, Post Graduate Scholarship kha tuna tih danah hi
CHIEF MINISTER chuan thil dang dang zirtirnah hian a desire candidate anmahni eligibility ah khan an en deuh berin ka hria a. Tin, a tih nawn leh naah khan M.Phil leh thil dang research ti ta sela, anmahni an qualification ang te leh a subject a zirte pawhin considered a tulin ka ring a, mithiam kan la neih lohna hmunaah pawh sorkarin a tla chawp pawhin a ngaihtuah chho turah ka ngai a.

Tin, College deficit chungchangah chuan politically a ngaihtuahna a awm lo nia ka rinna chu nimina member zahawmtakin a rawn sawi College pahnih zinga pakhat kha chu Opposition bial ami a ni a, chuvangin fifty fifty a ni tihna a niin ka hria.

Dr R.LALTHANGLIANA : Pu Speaker, ka zawhna Total Expenditure for repairing, maintenance etc. of Health Department vehicles for the year 1991-92 and 1992-93 respectively.

PU LIANSUAMA MINISTER : Pu Speaker, 1991-92 chhungin nuai 7 leh 2096. 92-93 chhungin cheng nuai 9 leh 15902 hengte hi senso an ni.

PU TAWNLUIA : Khawzawl Doctor in a a motor kawl khi session hma lawka ka han kal khan kan V.C.P. te leh hotu dang te nen kan tlawh tumin an lo sawi a, a hmantlak lova, a accident zing lutuk tawh a, amah Doctor ber a chuang ngam tawh silova, khi motor khi a van-duai thang lutuk a, khi khawngaih takin a thlak theih ang em tih kan Minister ka zawt e.

PU J.H.ROTHUAMA : Pu Speaker, zawhbelhna - Health Department ah motor engzatnge an neih reng tih ka zawh belh duh a, Tin, pakhat zel an repair na man kha engzatnge ? Tin, tu workshop ah nge an dah thin ?

PU ANDREW LALHERLIANA : Pu Speaker, zawhbelhna - Doctor te Primary Health Sub-Centre a kan dah hote hi an POL hi an in daih lo hle mai a, an duty na hi rin ain a zau ang reng a, hei hi a tihpun sak theih lawm ni. Khi Saitual a an doctor dah te pawh khi an mangan na ber chu a ni a, an duty theih loh phah thin a. Chuvangin POL hi khingah chuan hriat thiamna neih a tihpun hi a theih lawm ni ?

Dr R.LALTHANGLIANA : Civil Hospital quarter bula Mini Workshop awm a khi Health Department in an enkawl lai niin a lang a, khilalah khian a siam ve theih loh nge ni a, private workshop ah te, kan hriat dan pheh chuan bill a hleihluak viau tihte kan hria a, khimi Hospital bul a department workshop awmah khian a siam theih loh tihna em ni. Pass leinan in hmang tam viau bawk si a, chu laia chu min hrih fi fish theih chuan a lawmawm hle ang.

PU LIANSUAMA : Pu Speaker, Khawzawl motor chhaa kha a dik a, tin, keini thingtlang bialtu reng reng hi kan doctor te motor hi a chhe em em hlawm a, chuvang chuanin a tlang-pui thuin, kan officer ten theihtawp a an ngaihtuah pawh in kan neih chun a ni miai si a, hemi in a entir chu Health Department hi som leh paiah a indaihlo em em tih a ti lang a.

Tin, Motor chungchang thuaah khan 1991-92 chhungin motor 101 a ni a, 1992-93 chhungin motor 99 a nei a, a senso na kha a figure ka round up mai. 1991-92 chhungkhan Motor pakhat ah 7000 ang zel seng an ni a. 92-93 chhung khan Motorah 9130 seng an ni a, chuvangin a seng tam anga sawi kha chu a dik thei lovang.

Tin, PHC a POOL indaih lo belh thei turin tih chung chang thu hi kan tarlan ang in harsatna department in a tawh avangin, theih patawp chhuah a tun ang hi an thlen chin a ni mai a. Eng pawh nisela kan Officer ten an lo enzui dawn nia.

Civil Hospital bula MinisWorkshop tih hi engemaw tia tlem a zang an lo tih theih chhun chu a awm ngei a, amaherawh chu kan transport department te ngei pawh. Tin, Home department a police-workshop tang a chang tam ber te pawh hian mahni a tih theih mai loh workshop changtlung zawkte pawh hi panphei a ngai fo thin a, chuvang chuan engemaw chen chu tive mahse pawn lam workshop ah hian a kal loh theih lova, chuvang chu a ni e.

PU J.H.ROTHUAMA : Pu Speaker, a zawhbelhna kha, tu workshop ah nge an dah thin, a chhan theih em aw ?

PU LIANSUAMA MINISTER : Chu chu Pu Speaker, ka sawi thei mai lova, workshop hrang hrangah a ni mai ang a.

Dr R.LALTHANGLIANA : Pu Speaker, zawhbelhna, Minister kha a awm lova, a chhang thei lo mai thei a, mahse ka zawt duh a, hei Civil Hospital ah hian kan Nurse te leh staff ho hi an duty hun bik nei tak maia hun dang thleng tur ang chi an ni a, fur lai leh hun harsa an ngah a, khatiangah khan in Department thenkhatah te pawh hian Bus an nei deuh fur a. Anni ho bik hla deuh atanga an kalna tur ang chi leh drop an nihna tur ang chi a hi motor ruahman dan kawng a awm lawm ni tih kan zawt teh ang.

PU LIANSUAMA MINISTER : Pu Speaker, pawisa lam harsatna avangin hengte pawh hi thil harsa a ni a. Amaherawhchu Civil Hospital atanga randang han pan chu thil tul tak nimahsela, member hrang hrangin kan doctor te chungchangah leh thingtlanga motor te tla chhia kha anih rih avangin hei hi chu kan tlin rih lovang.

PU T.C.PACHHUNGA : Pu Speaker, ka zawhna starred question 261 na -

- (a) Khatla Hall hmun pangngai hian sawrkarin Hall tha zawk sak tunna a nei em ?
- (b) Nei ta se eng stage ah nge a awm mek ?
- (c) Senso tur leh kumin 1993-94 a pawisa dah zat ?

PU SAIKAPTHIANGA : Pu Speaker, member zahawm tak
MINISTER zawhna chhanna chu nei e, tih a ni a, nei ta se eng stage ah nge a awm mek tih a chhanna chu saw-lai hmun saw Education Department ram a ni a. Chu chu tunah hian kan in dawr mek a, chu chu a awmdan a la ni.

PU TAWNLUIA : Pu Speaker, Sport Department hian Hall a sa ngei em ni ? a purvince em ni ? heta a zawhnaah hian thlenin dang a vuah dawn zawk em ni-

PU SAIKAPTHIANGA : Pu Speaker, ni e Hall han tih
MINISTER lemah Hall chi hrang hrang kha a awm ve thei a, chuvang chuan a zawhna ang khan kan chhang mai a.

PU T.C.PACHHUNGA : Pu Speaker, zawhbelhna - he Hall hi Studium ni bawk, Hall pangngai mipui punkhawmna tur ni bawk, chuti- tiang chi tur chu a ni a. Multi- purpose tur a ni a. Helai ram hi tunah Education Department te nen kan in dawr mek tih kha Hall saw a dingsa reng tawh a. Hall awmsa sawmi saw sak that mai tur anih avangin harsatna a awm theih ka ring lova. Tin, hei hi election ah pawh mipui ten helai Hall sak hi an duh ber avangin. He sorkar hi an ring a, chutiang anih avang chuan he sorkar hi mipuiin Congress an thlang tling a. Hei hi chu sorkarin kan ti ngei a nge tih min tiam thei em ?

PU SAIKAPTHIANGA : Pu Speaker, englo ania, a Hall
MINISTER a kha ding tawh mahse, council hian dan a nei ve a, a ram leh a building a kha council kut a ni a, khalala kha in dawr a ngai ve a. Member zahawm tak zawhna chhanna kha chu a hmasa ber kha a ni thei ang. An in chhangin ka hria.

PU R.TLANGHMINGTHANGA : Pu Speaker, ka starred question 262 na - Phuldungsei Primary School sawn avangin naupang 100 lain sikul kalna an chavai tih hi sorkarin a hria em ?

PU LAL THANHAWLA : Pu Speaker, Phuldungsei Primary
CHIEF MINISTER school tih mai hi a awm lova. Amaherawhchu member zahawm tak khan 1, 2, 3, tih zinga a khawimaw ber hi a ti niawm tak a ni a. Pu Speaker, hei hi comprehensive school a an dah tak kha a ni a, Education Minister te leh a officer te a bialtu MLA pawh telin ruahman a ni a. Department ina comprehensive a a tih hnuah an lak khawm chutiang chu a ni a. Chuvangin helaiah hian fel lohna a awm lo-

PU R.TLANGHMINGTHANGA : Pu Speaker, a bialtu pa ngeiin a - a chhuhsak, comprehensive hminga sawn sak a ni a, ni-kum lamah pawh khan, ka zawhna a awm tawh a, sawn ngei dawna an hriat avangin an mangang a, an sawn na tur kha Km 2 pawn lam daih anih avangin a dan hmanah khan Km 1 pawn lamah chuan sawn loh tur tih a ni a. Chu chu an sawn luh tak si avangin, a veng hlun ber Phuldungsei veng chung chuan an School an thiah sak a, Km 2 leh metre 8 a hla ah an sawn tak avangin kan naute an kal thei ta lova, an mangangin khawtlangin private in an hawng ta ringawt a. Tunah hian voluntary in mi pakhat in a hova, school chu a hmingin an kal ve ta a ni. Chu chu a bialtu khan kan ti vek alawm a ti a, a dik a, chutianga duhsak loh bik, sawisak area tan chuan, school kal ve theihna anmahni in a an tih a chu sorkar hian 100 lai mai zirtirtu comprehensive a kal ve thei ta lo anmahni private a ti a te kha sorkarin an zirtir tu tur a ngaihtuah sak thei lawm ni tih kha ka zawt.

PU LIANSUAMA : Pu Speaker, kan Chief Minister-in
MINISTER a chhan hmain member zahawm takin a rawn sawi kha keimah in hriatna lam anih avangin tlem sawi tur ka nei a. Phuldungsei khua khu Baktawng leh Khumtung ang ziazang deuh khuan Venghlui leh Vengthar a awm a, tichuanin kum 1984 lam atang tawh khan kawngpui dung lamah hian khua hi in rem ila tiin ruahmana neih tawh a ni a. LAD lam atang pawhin, tichuan khua lo thang chho zelah High School leh Primary School kan sorkarin Comprehensive policy a kal pui ang hian in suikhawm ve ila tih a ni.

Tichuan Education Minister

Pu Thansanga anih lai pawhin BDO te leh Officer thenkhatte nen, a hmun tur chutihlaia Headmaster Pu Rochhunga te nen an duh lai tak thlan chutah chuanin Comprehensive School sak a ni a.

Education Department in fund duh ang tawk an nei lova, Rural Development Department atangin JRY pawh tanpui an ni. Chuvang chuan Khaw chung lamah hian

a hmanna tur a politics a huaikawm bawl engemawzat an awm vang mai a ni zawk. Chung chuan sorkarah pawh thlen lo hian bialtu ah pawh thlen lovin an thlenna lam chu tuna an sawi atang khan a hriat theih mai a.

PU R.ROMAWIA : Ram buaia kan luh loh chuan sawi-khawm te kan duh lo em em a, chutihlalaiah rambuai a breh a, sawi-khawm na zia zang a, Zoram hmun hrang hranga thil a lo lang a. Ngharchhipah a lang a, Ralvanga a lang a, Phuldungseiah a lang a, hetah hniartlangdungah a lang a, hetah naupang zirilaite la awm lai reng a an school te pawh chhiat saka hetiangna naupang school zirna neih loh tira hi a leh lamah cent per cent literacy siam kan tumna nen hian a policy a inkalh em ?

PU VANLALNGHAKA : Pu Speaker, kan Chief Minister in a chhan hmam ka bial chhung Ngharchhip khua kha a rawn ri tel nalh a, a dik pawh a dik a. Tin, tunah chuan a mipuiin an duh a, sorkar hmam in an tih lain an renti vek tawh a, a tam zawk cent per cent chu ni lovin a tam zawk daih Congress an ni emaw MNF an ni emaw a ti lovin Public meeting an nei a, in sawn kan duh e. Kan khaw hmam a in a rem zawk a, tuiah pawh kan awlsam phah ang e an ti a, an duh ang taka sorkara kan bawhzui a ni.

PU ZOSIAMA PACHUAU : Pu Speaker, kei chu ka zawt dawn a, Education hi kan hriat dan hi a in ang vekin ka ring a. State subject a an dahna in central hian concurrent list a dah pawh a duh hial a, a chhan chu India Constitution 45 naah khan free and compulsory education are to all children below 14 years tih a ni a, chuvangin naupang kum 14 hnuai lampang kha chu free leh compulsory pe tur kan nih avangin comprehensive kan lo dah anih pawhin khami a kal phak loh chuan school dang kha state sorkar emaw, central sorkar emaw chuan siam sak kha a duty a ni reng reng lawm ni. Chu chu kan state in a insure thei na nge ? tih ka zawt duh a. Tin, a pahnihmaah chuan kan comprehensive system of education hi chu voluntary comprehensive anih loh avang huan compulsory a a tan dawn avang hian in-comprehensive system of education kan ti ta a. Hei hi draw education field a kan siam a ni a. Reforms kan sawi lai hian tunah hian kan problem lian ber a ni dawn a ni tih kan Minister kan Chief Minister ni bawh hian a hria em ?

PU R.TLANGHMINGTHANGA : Chhan nghal atan ka zawh loh zawk khan a rawn sawi vek mai a, a sawntu ngei a ni tih pawh kha a rawn confirm a, venghlun zawka mite kha

sawn thla rawh u, compulsory in an lo ti a nih kha. Vawin niah hian a rawn puang ta a. Chutiang anga compulsory a in sawn thla tur chuan sorkarin provision an in sakna tur te kha a ngaihtuah sak an tih kha hriat a tulin ka hria a.

Tin, an in sawn thlak hma si chuan an zirna tur lak bo sak ngawt kha rorelna tling a ni em? Free and Compulsory tih kha a kelh leh bawk a. Tin, chuloah chuan nimin lama kan zawh tawhah khan kan House Leader zahawm takin a chhanna Luangpawl tuna kan bialtu Minister hian a hria emaw ka hre lova. Engpawhnisela, Luangpawl zirtirtute tute nge tih zawhnaah khan zirtirtu pakhat Sangkhuma kha a ni a. Amaherawhchu a ni lo, Sangkhuma a ni lo tih kha i Chiang lo a nih ka ring. Sangkhuma kha nikum thleng khan a ni a, kumin kum tirah khan an in sawn tak avang khan bial tan chauh kan ding lo. Dik lo a hi kan do ngam tur a ni, chuan Sangkhuma kha sawn a ni a school III ah.

Tin, zirtirtu dang an dah official a an dah Lalthansangi leh Pu Lalsawmvela kha an ni a, Lalthansangi chu Mission vengah sawn a ni a. Tin, Lalsawmvela chu a lanin a la, lang lo reng reng a, Luangpawl school ah khan. Vawin niah hian Sangkhuma kha zirtirtu anga kan Minister in a sawi kha information a hmuhsual anih ka ring a, an pek fuh loh nge ni. Pu Sangkhuma kha tun kumtira school III a an sawn tak avangin midang pahnih awm tura kha an awm bawk silova, chuvang chuan school kal thei lovin an awm a ni tih laia kha kan hre duh a, khalaiah khan zirtirtu fumfe an pe thei lawm ni tih laia kha kan zawt duh a ni e.

PU LAL THANHAWLA
CHIEF MINISTER

: Pu Speaker, nimin lamah khan kan sawi tawhin ka hria a. Hetianga fello hi a awm nual a, chuvangin hei kan session zawhah kan theih

ang chin chin kan renew dawn nia kan tihah khan khung tel mai ila a tha in ka ring a.

Tin, member zahawm tak Ngopa bialtu zawhna comprehensive school hi free comprehensive school a ni tih a Chiang tih kha ka hre lo a ni. Comprehensive school a ni a, ka saptawng understand dan a dik chuan a comprehensive a. Tin, hemi comprehensive-ah hian chihnih chi thum lai a awm a. Tin, Phuldungsei school chungchang kha a bialtu MLA in a sawi tawh a, kha baka fiah chuan tunah mai chuan sawitur ka hre lova, amaherawhchu kan school naupangte hi all indians anga kan ti thlap thei lo anih pawhin a teuh thei ang bera kan enkawl kha a dik ang a.

Tin, a bialtu in an lo ti anih pawhin ka sawi tawh angin department tinin Education Minister hmasa te nen a fel taka an tih a ni a. Opposition te pawh rawnin. Amaherawhchu khati chung pawha fel lo awm anih pawhin a bialtu MLA pawh kha a hek ang a a ni mai lawm ni.

PU R.ROMAWIA

: Pu Speaker, ka zawhna question 263-na Health leh Family Welfare Minister min chhan atan Pangzawlah P.H.C. dah tumna a awm em ?

PU LIANSUAMA
MINISTER

: Pu Speaker, hei plan chhung hian Serchhip leh Hnahthial inkar rem-chang laiah PHC dah tum a ni a. A hmun tur tak hi chu tunah chuan Department in thu tlukna a la nei lo.

PU R.ROMAWIA

: Pu Speaker, Pangzawlah sawnin mipui te pawhin hnatlangin a hmunte pawh an lai a, thil tam tak an ti tawha, a insak pawh kha an tum a, Health lam hotute hawn tir an tum a, mahselangin an hawng ngam chiah lova. Chutiang ang dinhmun chu a ni a, chuvang chuan Pangzawl ah ngei khan kan sorkarin a in kar a in tum rau rau a nih chuanin a inkarah pawh a lai tak a ni nghe nghe a, min dahsak thei mai lawm ni.

PU LIANSUAMA
MINISTER

: Pu Speaker, College an deficit ang kha a kal ang em tih zawhna ang tluk niin ka hria a, kha kha zawng a chhan theih loh ni rih mai rawh se.

PU T.C.PACHHUNGA

: Pu Speaker, starred question 264-na (a) Mizoram Sawrkarin Lawipu ramah House side plan a nei em ? (b) Neitase Inhmun engzat tur nge?

PU ZALAWMA
MINISTER

: Pu Speaker, Lawipu ramah hian Inhmun plan tih tur awm niin MLA Zahawm tak bialtu zawhna siantuhian rawtna a rawn siam a, February thla tir khan kan han en chhin a mimal ram te a awm nual a, chung an ram status enfiuh hnu ah ram awl te nen tunah hian plan siam tum a ni a, a (b) na hi #4# chu engzat tur nge tih kan hre thei lo.

Dr R.LALTHANGLIANA

: Pu Speaker,, ka zawhna 265 na. Will the Hon'ble Minister in-charge Public Works Department be pleased to state -

Kum 1991 - 92 chhunga Sertlangpui Lunglei District chhunga P.W.D I.B atan a furniture khangvel atana supply a sum hman ral tak kha engzat nge ka zawt e.

PU LALHUTHANGA
MINISTER

: Pu Speaker, Sertlangpui P.W.D. I.B. atana furnishing a a senso zat chu nuaikhat leh sangthum leh zaruk leh sawmsarih leh pakua 13679 a ni e.

Dr R.LALTHANGLIANA

: Pu Speaker, ka question 266-na Zemabawka T.B.Hospital 25 bedded sak zawh tawh si luah a la nih lohna chhan? Health Minister chhan atan ka zawt e.

PU LIANSUAMA
MINISTER

: Pu Speaker, he TIB hospital khum 25 Zemabawka-a awm theihna hi sak zawh anih hnuin staff lampang harsatna avangin luah mai loh a ni a. Tin, chutih chhung chuan repair te a lo ngai hman a, churang chuan P.W.D. in estimate an han siam a, 177600 a lo ngai a, chu avang chuan hei hi P.W.D. te an han repair leh ang a; a rang thei ang berin. Hei kam te a lo thar tawh a. Department hian T.B.Hospital atan luah theih a tum a ni.

PU T.C.PACHHUNGA

: Pu Speaker, ka zawnna starred question 267 na P.W.D. Minister min chhan atan -

Shivaji Tillah - Khatla Bethel veng kawng via Presbyterian Church Bungkawh hi P.W.D. in laih tlang a tum em?

- (i) Tum ta se engtikahnge?
- (ii) Pawisa sen ral tur zat?

PU LALHUTHANGA
MINISTER

: Pu Speaker, kum 1992-93 chhungin laih tlang tura siam a ni a, mahse Bethel ramah mimal ram harsatna a awm tak avangin Shivaji Tillah

atanga Bungkawh Presbyterian church thleng chauhvinn hna lak theih a ni ta a ni.

Tin, tum tase engtikahnge? a rawn tiha kha 1992-93 chhungin lungrem leh a laih hna ruahman chin chu zawh a ni ang.

Tin, pawisa sen ral tur engzat-nge ni ang tih kha Rs 170000/- pawisa sen ral tum a ni.

PU TAWNLUIA

: Pu Speaker, Shivaji Tillah tih hi official a tihna a awm em ni. Tunah hian Shivaji Tillah kan la ti em? a sawifiah theih dan a awm lawm ni.

PU LALHUTHANGA

: Pu Speaker, a zawttu pa in a zawh ang chiah khan kan chhang mai a ni.

PU TAWNLUIA

: Pu Speaker, Minister chuan a sawifiah thei dawn lawm ni. L.A.D. te pawh a chang bawk a, a la inhmeah ah ngai ta ila.

PU R.ROMAWIA

: Pu Speaker, khatah khan hming ajang ngei ngei dawn a, kha room hmingah khan tuna mi ang khanin em ni in tih ?

PU LALHUTHANGA
MINISTER

: Pu Speaker, L.A.D. lam purview a rawn ti a. Tunah dak lamah pawh hian Khatla tlang tih a la ni a, chutiang address chu hman a ni nghe nghe a, churang chuan Shivaji zelin ka ring lo. tillah hming ang hi chuan a kal chho

PU T.C.PACHHUNGA

: Pu Speaker, ka starred question No. 268-na - Greater Lunglei Water Supply scheme Project hi engtikahnge zawh a nih ang ?

PU S.HIATO
MINISTER

: Pu Speaker, a chhanna chu kum 1993-94 chhungin zawh ngei kan beisei a ni.

Dr R.LALTHANGLIANA

: Pu Speaker, zawhbelhna - hei kum 1993 March 31 ah hawn a ni ang tih kha Radio ah leh chanchinbu ah leh House-ah te pawh kan Minister in a a sawi rik, tin, official te pawh a an puan dan kha a ni a. Nimin kha ni 31 chu a ni a, tun tum kan session pawhin session chhunga hawn hman tur khanin a thei theite pheih chu kal nise ti ang deuh te khan a sawi a, hei vawin tehrik ni 1 a ni a, engatinge ni pipe khasawlai Zotlanga a puakkeh tak vang kha nge ni kan la hawn theih lohna chhan tih kha ke zawt duh a.

Tin, chu lo lehah chuan engtikahnge ni a hmun sawn a hi a vawin nga-na niin ka hria a, engtikahnge hawn tak tak hun tur a kha kan zawt teh ang.

PU R.ROMAWIA : Pu Speaker, zawhbelhna - hna reng reng hi ka hriat dan a soal loh chuan, contractor in a thil a Bill zawng zawngte a clear a, chutah clearance te a pek hma chuanin department hian chuti main a hawng thei lo thinin ka hria a. Chutiang anih chuanin revise estimate kha crores 27 kha a chho ta daih a, kumin kan budget ah kha crores 6 leh nuai 23 kha kan dah chauh si a, chuti chuan pek tawh zawng zawng nen kha crores 18 kha a han hawl dawn chauh si a, crores 10 vel kha a claim belh hmel ta riau si a, kha vang khanin hemi kan kum siamah hian khatiayang ang thil te a awm anih chuan kan hawng leh hlei thei lo mai lawng maw ka ti a ni.

PU S.HIATO : Pu Speaker, 31 March thlaah hawn MINISTER theih beisei a ni kan ti a, session hi nei lo ta ilangin vawinah hian tlawng hmunah kan awm vek ang. Chu chu ka sawi duh a, chu chu a scheme a vawin a ni lova, Pial-cheng lui kan pump dawn tih ka sawi tawh a, a tlawng taka chu tunah hian 90% vel tih tawh a ni a.

Tin, a hmunah material pawh dah vek a ni a, chutichuan July emaw August velah emaw kan zo dawn tih kha ka sawi chiang tawh a ni.

Tin, a pahnihnaah chuan tui pipe puak kha a sei kher mai a, tui pipe puak Km 12 a pakhat puak kha a ropui hlein ka hria a, hei chu Pathian a lo kal dawn emaw kan ti a te a ti a, a thenah chuan thenawmho te pawh an awm ngam tawh lo te a ti a, awm ngam lo tur kha an nih chuan tih sak loh tur tih te pawh kha ka sawi tawh a ni. Amaherawh-chu kha kha kan siam the a, a tuka a puah niah kan siam tha leh vek tawh a, test vek a ni tawh a, pipe te pawh kan siam tha vek tawh a ni.

Amaherawhchu ka ti leh ang a, Dt. 31 a kan tih theih lohna chhan chu hetah kan thut thap vang a ni. Kan dan chuan April thla chung ni engemaw lai hawlah a hun ka lo fixed ang a, in vawin ka sawn che u a ni.

Tin, contractor in a bill a pek hmain engtingge in hawn theih tih kha, contractor leh mipui kan ko va, keini chuan Lunglei mipuiin tui an manawh lutuk tawh si a, contractor hi chu revise estimate atangin zawi zawin kan pe chho mai ang a. Contractor aini Lunglei mipui kan ngaih pawimawh zawk vang a ni tih hi ka sawi duh a ni.

Dr R.LALTHANGLIANA : Pu Speaker, General of payment tih a contractor in bill a thehluh atanga ni 15 chhunga Mizoram sorkar-in a pe thei lo anih chuan kha a bill atanga rate of interest 18% tih emaw, bank interest anga Mizoram sorkar in a pek tur a ni tih nuai 46 kha Mizoram sorkar hian contractor hnenah a pe tawh em ?

PU S.HIATO
MINISTER : Pu Speaker, member zahawm tak hi school naupang thiam thei lo zet, hrilhfiyah ang a ni a, vawit tam kan hrilhfiyah tawh a, a hre-thiam thei lo reng reng mai hi mak ka ti a, mi tam takin an hrilhfiyah tawh ania. Minute engzatnge kan hrilhfiyah dawn erawhchu ka hre lova. Amaherawhchu ka sawi chiang tawh a, contractor in a interest a claim kha lay payment avangin nuai 46 awmin kan hria a. Amaherawhchu kan pe lo tih kan hrilh tawh a. Tin, kan en mek a, kan pek tur leh tur loh pawh kan hre rin love ka ti a, increament chu a ni ngei, company te angin increament chu a awm a. Amaherawhchu Mizoram sorkar-in Department hrang hrangah pawh hetiang pek anih loh avangin kan exam mek a ni tih ka chhang tawh a, chu baka fiah chuan chhan leh ngaihna ka hre lo a ni.

Dr R.LALTHANGLIANA : Pu Speaker, ka zawhna 269 na - Mizoram ah phar engzatnge awm ? Health Department min chhan atan ka zawt e.

PU LIANSUAMA
MINISTER : Pu Speaker, tunah kan hriat danin phar 286 an awm.

Dr R.LALTHANGLIANA : Pu Speaker, zawhbelhna - Heng phar 286 te hi khawilai hmunah nge an awm min hrilh thei sela, ka duh a. Tin, kan hriat dan chuan Tlabung saw an dah tamna hmun niin kan hria a, a enkawl na saw a chhe hle mai a, a enkawltu tur Docotor te an awm mumal loh bakah phar enkawl dan lo ang taka enkawl an ni tih sorkarin a hria em ?

PU LIANSUAMA
MINISTER : Pu Speaker, a tlangpui thuin phar hi Mizoram leh Bangladesh nena kan in xi-na dung tluanah hian an tamna anih bakah Tlabung area lamah sawn an tam zual a. Tichuanin Tlabungah Leprosy Hospital pawh tunah hian awm mek niin chutah chuanin enkawl mek lai hmeichhia pahnih leh mipa pahnih an awm a, chungte chu chakma vek an ni.

An in enkawl danah hi chuan member zahawm tak Pu Lalthangliana sawi dan ang khan duhthu a sam lo a ni mai thei a. Heng enkawl tur hian a tlangpui thuin training bikte an ngaih avangin a natna hi natna khirh a nih mai avangin specialist anih avangin a training thiam tawh missionary lama an kal tak avangin a dang training tir tum mek an ni a. Chuvangin ngaihtuah chhunzawm zel tur a ni, duhthu a sam lo tih erawh hi chu hei pahnih pali chauh an ni a, an enkawl zo turah chuan kan ngai a ni.

PU RUALCHHINA : Pu Speaker, ka zawhna starred question 271-na ka zawt e.

PU LIANSUAMA : Engpawhnise, nikum July thlaa
MINISTER D.S.P.-a pawisa bo te kha chhui mek an ni a, chung an hlawhlak theih loh ai chu final sanction kan hmu tawh a, a rang thei ang bera beih kan tum a ni.

PU K.VANLALAUVA : i) MAP khawsak relna hmun langkar an ti a, anmahni chaw chhum tu te hovin-a anmahni Mess chaw tur an chhumna atana thing an phuhh hianin Police motor hman thin a ni a. Chutah chuanin an thing phurh apiangin a diesel man an chawi tel ve ziah mai a, hei hi engvangnge chawi hranpa leh kher tih hriat ka duh a.

Tin, pahnihna damlo anmahni motor hmanga an dahin leh an in entir nan an hmanin a hranpa petrol emaw, diesel man emaw phut ziah an ni a. Hei hi engvangnge tih hriat ka duh bawk a. Tin, a bikin helala S.P. a attached ho reng rengin nikum hmasa lama an saving atana cut Rs 1600/- chungchang thua khann kan pe ang che u an tih reng lain, kar hmasa lawk khanin dilna hranpa rawn siam rawh u an ti leh a. Hei hi kan hrethiam chiah lova, min hriahfiah thei em ?

Dr R.LALTHANGLIANA : Pu Speaker, zawhbelhna tawite - Ministerial staff te hemi Police Department-ah an awm ni tur a ni a. Hemi case a hi a rei tawh hle mai a, Ministerial staff te uniform gather a, convert vek tur a tih order Dt. 7.12.1991-ah khan order a awm a. No.A.11015/1/76 tih kha a ni a, 1981 kumah tawh khan. Hei hi implement loh niin a lang a, engnge ni a chhan kan zawt teh ang.

PU LIANSUAMA : Pu Speaker, the Superintendent
MINISTER of Police thil thleng zawhna pui lam kha a ni a. MAP chungchang lam kha chu ka lo in ring lova. Chuvang chuan tunah mai chuan ka chhang thei lova, an thingphurh leh dam loh chungchang thu te kha.

Amaherawhchu Police ah reng reng clerical ho hi uniform trader ang veka ngaih an ni a hmun dangah te pawh an lo pem ve thei lo nghe nghe a, Office dang angin. Hetah hian kan clerical staff ministerial kan tih hoa hi chu uniform gather an nih avangin khang order kha a implement vek tawh an ni a, amaherawhchu chutih rual chuan IV grade lampangah hian phut ve chhohna a lo kal a, ministerial nilovin, chu erawhchu kan en mek a ni.

PU R.TLANGHMINGTHANGA : Pu Speaker, (a) na kha chu ka zawt lo mai ang a, chhan tawh anih avangin. (b) na Constable pay scale hi engnge ni ? (c) na Police Department ah small saving scheme atan an hlawh atangin thlatin Rs 100/- cut sak an ni em ? tih ka zawt e.

PU LIANSUAMA MINISTER : Pu Speaker, Constable pay scale awm dan hi Fourth Pay Commission Central-in Dt. 1.1.86-a a recom- ment angin Mizoram Constable te hlawh chu Rs 855/- a pun dan 15-900-EB-20-1200 thleng a ni a. Chutah chuan hetih hun laia Constable lo ni mek tawh chuan revise pay scale atanga chhuta an initial pay kha thlakhatah Rs 855 aia tlem anih chuan revise pay scale an thlen ni atangin revise pay scale.

Tichuan Mizoram pay Constable revise turin Mizoram Pay Commission ah pawh tunah hian kan thlen mek a ni. Police Department-a Small Saving Scheme chu hetiang hi a ni a. India sorkar laipuiin ti tura a ngen angin Department dang zawng zawng angin Police Depart- ment-ah hian Small Saving Scheme ah certificate te lei tura beisei an ni a. Police Department pawh hian mi 980 in he certificate hi an lei tawh a, mi 1799 in thlatin hlawh atanga siam rem chi Pay Roll Saving Scheme ah an dah a ni. A rate erawhchu mimal duhthlanna ang a ni mai a, chuvangin constable kan tih ang chi hianin Rs 50-100 in karin he certificate saving scheme hi an lei ber a, S.I. leh Officer chin te chuan Rs 100-300 inkar thla tinin an dah tha thin a ni. Cut sak zawng chu a ni chiah lo anih chu.

PU LALRAWNLIANA : Pu Speaker, ka starred question 273 na - Home Minister min chhan atan - (a) Non-Mizo, Non-Tribal zingah Mizo saphun an awm em ? (b) Awm nise, Non-Mizovin Mizo hnam saphun chu sorkar in rem a ti em ?

PU LIANSUAMA MINISTER : Pu Speaker, sorkar hriatah chuan Mizo ni lo, Non-tribal Mizo sa- phun hriat an awm lova, chuvangin sorkar remtih leh tih loh chung- chang thu kha chu chhan a ngai ta lo a ni.

PU LALRAWNLIANA : Pu Speaker, zawhbelhna - Hei Mizoramah Mizo an nei thluah hlawm a, an nupuite hi eng ang- ingne kan treat. In hmun lo ram te hi an hminga neih kan la phal ve em ? mi ram state ah leh ramah te chuan hnamdang mi an neih chuan an hnam nihna an kalsan thin a, vawiin niah vai nupui in vai ama hmingin a khaikhawm nan vai tiin sawi mai ila, miin ram

an nei diai duai hlawn a, hei hi nakin zel atan kan ram atan thil tha lo awm thei a ni a, helaiah hian engnge ni keinin kan tih zel dan tur. Non-Mizo nupui Mizo te hian ram leh hmun an hminga hetianga non-mizo nei chung si a, ram an neih teuh teuh hi kan la phal zel dawn em ?

PU LIANSUAMA
MINISTER : Pu Speaker, land holding lam-
pang kha a ni a, chu chu keini
Home Department in kan chhan
theih chi a ni lo.

PU RUALCHHINA : Pu Speaker, ka question starred
No. 274 na - (a) Sakawrtuichhung -
Lungverh P.T.C. Road Construction
atan hian sum engzatnge ruahman
a nih ? (b) Eng chen nge laih ni tawh a ? (c) Eng huna
zawh tur nge ? (d) Tunge contractor hming leh khua ?

PU LALHUTHANGA
MINISTER : Pu Speaker, Sakawrtuichhun -
Lungverh PTC Road Construction
atan hian sum ruahman chu cheng
nuai 37 leh sanghnih ruat a ni.

Tin, eng chen nge laih tawh a ti a, km 55 laih tawh a ni.
Eng huna zawh tur nge a ti a, April thla chhung hian zawh
tum a ni. Tin, contractor hming tih leh khua chu depart-
mental a thawh a ni.

S P E A K E R : Pu R.Tlanghmingthanga'n paper
lay tur awm chu han lay teh
se.

PU R.TLANGHMINGTHANGA : Pu Speaker, I member of the Rules
Committee authorised by the Com-
mittee hereby laid on the table.
The copy of the Rules of Proce-
dure and Conduct of Business in Mizoram Legislative Assembly
Mizo version 1993.

S P E A K E R : Pu Tlanghmingthanga'n paper lay
tur chu a rawn lay ta a, tunah
a copy kha member hnenah sem
nisela. Mizoram Legislative
Assembly kaihhraina dan a ni ta a ni.

Pu Lal Thanhawla'n motion move
tur a neih tur chu han move sela.

PU LAL THANHAWLA : Pu Speaker, with your permission Sir, I beg to move the following motion. The member of this House to proceed elect in the manner required under Rules 253 'A' of the Rules of Procedure and Conduct of Business in Mizoram Legislative Assembly, 7 members among themselves to serve members of the Committee on Public Undertaking on terms of 30 months from the day of its information,

Thank you.

S P E A K E R : Arawn move ta a, kha kha kan pawm thei em? Tichuan kan pawm anih chuan kan in thlan dan te kha a ni tur a ni a, kan in thlan dan tur chu member 9 kan nihna pahnihah khan leh lam leh lamah khan pakhat ve ve in hnukdaw tur in siam a, helamah hianin nomination rawn siam mai turin member te kan ngen che u a. Tichuan nomination in siam zawh chuan naktukah a tul chuan election emaw, tin, party chhungah contest a awm loh chuan kan declare thei main ka ring a. Naktuakah chhonzawm tum ila a tha ang e.

Tin, tunah chuan Pu Lal Thanhawla bawkin nimirah khan bill a pu lut a. Kan dan 79-na ah khan introduced anih hnu khan member thenkhatin ni li pawh kan nei si lo a tih theih a. Naktuk hi private resolution a lo ni a. Tin, danah khan Speaker in a phal chuan tih dan a awm a, a tul kan tih chuan pawm mai ila tih kha kan ngaihtuah a. Engpawhnisela, ngaihtuah phalna a dil hunah khan sawi tur a awm leh kan la sawi dawn nia.

Ngaihtuah phalna han la phawt

sela.

PU LAL THANHAWLA : Mr Speaker Sir, I beg leave of the House this August House to take into consideration the Mizoram Publication Board Bill, 1993.

Thank you.

Pu Speaker, i phal chuan kan sawi nghal mai ang a, Rules No. 79 'B' leh 242(11) in a phal angin member zahawm tak ten rem an tih chuan Pu Speaker, hemi Mizoram Publication Board Bill, 1993 hi Select Committee a refer zawk rih tha in hriatna ka nei leh a. A chhan chu member zahawm tak takten hetiang Bill hi an lo thlir lawk hmasak a, House-a han put luh leh hian a tlang-pui in a fel duh zawkin ka hria a. Chuvangin member zahawm takte hian an remtih chuan chutianga Select Committee-a refer chu ka ngen a.

Tin, member zahawm tak ten rem an tih chuan a member turte pawh proposed nghal mai ka duh a, member zahawm takte thu nisela.

PU LALRAWNLIANA : Pu Speaker, kan House leader-ina tunhmaa a tawngkam a lo hman tawh angin, a tir phat atanga bill tenghneng kan theh-lut fo mai hi a mualphothlak lam deuhin ka hria. Memberten a sawiho pawh awm hman lova, Select Committee a refer leh ringawt han rawt te pawh kha a zahthlak lu lam deuhin ka hria a. Hetiang hi kan tih fo dan tur anih chuan a pawl khawp ang.

Vawiin niah pawh hian sawi phawt ila, en phawt ila, refer tha kan tih tlan chuan refer ila, chu chu Pu Speaker, ka han rawt duh a ni.

PU TAWNLUIA : Pu Speaker, nia tawite in - he Bill hi keini ho te pawh kan han in rawn a, House Leader zahawm takin a sawi ang khan Select Committee a refer kha thil tha a ni ang tih dan kan nei nachungin kha committee khan House ngaih dan engemaw chen a hriat theihna turin, tawite te mahni ngaih pawimawh lai lai han sawi kha chu a tha mai awm mang e; tin, member tur te tan pawh a awlsam phah ka ring. Chuvangin Select Committee ah i refer ang u ti ngawt lovin, tlem azawng tal discuss na nei ila; chutatanga idea a awm khan committee member turte tan a beisei awm a, chutiang ang chuan reilo deuh chu han sawiho phawt a tha lo maw le ka ti a ni.

PU R.ROMAWIA : Pu Speaker, a tha a, amaherawh-chu kan thil refer a hi Minister te an buai a, an indaih loh vang niin ka ring a, tah khan an chairman lo thei lova, Library te kha chu kan han peih mai a, mahse Municipal te chu khawiah nge a awm tak. Chuvangin Select Committee tih leh ringawt pawh hi a tha ber lo mai thei. Khatiang anih dawn pawhin Committee te pawhin a awlsam na an neih zawk nan helaia member ten han sawiho hi chu a tha awm mang e aw ka ti a, chutilo chu a pil rei thei leh lutuk ania.

PU C.L.RUALA MINISTER : Pu speaker, Select Committee a refer kha tha kan ti tho tho niin a lang a, kan refer dawn a, helaia kan sawi leh rih kha chu a thuah hnih mai mai a, kan member zahawm tak takte member an ni tho dawn a. Chung hnenah chuan advice chu pe mai ila, kan thiltih tura kha kan short cut a ni mai a, chu chu a tha mainn ka hria.

PU P.C.ZORAMSANGLIANA : Pu Speaker, kan House leader khan member turte kha rawt hial a rawn sawi ri bawk a, chutah chuan pawl hrang hrang

aiawh a te kha an tel tho turah ka han ngai a. Municipal Bill te kan han sawi a, Municipal te pheh chu a chhah a, pawl hrang hrangte khan a har kan ti theuhin ka hria a. Library Bill te nen an in kaihnawih thui nasa si a, tin, Library bill te chu a tlem deuh a, a har lova. He Municipal Bill tak hi ania thu chu pui ni. Chuvangin kan House leader in a rawn sawi ang khan Select Committee a refer tho tho tur anih chuan a tu a te nge Committee Member te kha sawi lan theih mai a ni lawm maw ni le. Helai thua buai buai ai chuan, hun a duh rei mai mai alawm maw le.

PU ZORAMTHANGA

: Pu Speaker, Select Committee a pek pheh kha chu a principle in keini pawhin tha kan ti a. Amaherawhchu kan vaia member kan nih dawn loh avang khan helam pawhin kan vai vai chuan kan sawi kherin ka ring lova, amaherawhchu a pawimswh lai lai han point out ta ila, a committee tur ten an lo hriat theih nan kha kha chu a tha alawm mawle, hun lah vawin ni-leng kan nei a, Business dang lah kan nei pawh a ni si lo. Hun a uihawm hleinem maw le.

PU ZOSIAMA PACHUAU

: Pu Speaker, Select Committee in an refer dawn khan a hmaa House-in sawi tur kan neih chu, hemi a Board constitution-ah hian member hrang hrang dah turah hian Library Bill-ah kha chuan hemi Legislative Assembly ah member pahnih a tel tur a ni tih kha a awm a. Hemi ah hian a tel ta lova, hemi hi tel tha kan ti em ? tin, pakhat em ni ang.

Tin, chulo lehah chuan hemi member telh turah hian hemi a bill rawn buatsaitute rilru hriat a harsat takna chu heta member tur tihah hian President Director of Art & Culture Joint Director, Art & Culture a ti thla a, a representative university ami te, college ami te a ti thla a. L.A.D. Educationist tih kha tel turin an ti bil tlat mai a, District representative kha hmeichhia a lo ni tawh thei a, helai ah hian hmeichhia a awm ngaihna kher kher hi henglai ah te pawh khami spirit a kha kan hriat si loh chuan thiltih sual a awm thei tlat mai.

Dr H.THANSANGA

: House leader in a, a bill in-charge khanin a rawn rawtna a ni mai a, Select Committee a refer anih dawn chuan a dan ang khan kal ila a tha in ka ring a. Tuna kan sawi vak a tha lova, a report-ah erawhchuan duhtawkin kan ching thei thung a, khami Select Committee in a rawn recommend na kha tha tawk lo kan ti anih chuan member ten hei hi belh ila. Hei hi pah ila a tha lo maw a tih theih a, khami hmaa kan lo chin vak chuan Committee kut a awm tur kha a ni a. He Board hi Board thar a ni dawn a, a pawimawh viau mai dawn a, kan ram hmasawna tur kan hnam inghahna, literature lamah te khawvel mifing ten hnam anga min enna tur a ni dawn a.

Library Bill-ah khan kan han ti a, kan tifuh viauin ka hria a, chutiang chuan ngun takin hun awm deuh dawnin lo ngaihtuah se, chutah memberten zalen takin kan sawi thei tho va, lo pawmpui mai ila a tha lawm ni.

PU LAL THANHAWLA : Pu Speaker, a tenghneng tih kha
CHIEF MINISTER matter of opinion a ni ang a.
Tukin thleng khan a siantu te
chuan tha an han ti em em khawp
a, ngaihtuah ula pass nghal mai rawh u a, an ti a ni.
Amaherawhchu a pawimawh avangin tuna member zahawm tak
Pu Thansanga rawn sawi ang khan a pawimawh avangin uluk
zawka thluak fim zawka an lo thlir hmasak tha in hriatna
a awm a, chumi an report chu helaiah House-ah memberten duh
tawka lo thlir leh amendment lut ang anga kan tih kha a ni
a. Kan right a ni a, privilege chuvangin Pu Speaker, member
zahawm tak takte fel em em, a fel ber deuh vekah pawh fel
leh zualte an awm a, mahse chu chu kan kim vek thei kher lo-
vang a. Mahse a tlangpuin hengte hi kan proposed chhin a,
a member tur khan.

Tin, a Minister concerned a kha
Pu Speaker, nichina kan point out ah khan Chairman nih kher
a ngai lova. Private member pawhin han pu lut sela, khami
kha member an ni ve thei a, member an nih loh chuan committee
khan a opinion an ko thei bawk a. Chutiang chu a nih fo a-
vangin leh member ten kan ngaihdan te he committee-ah hian
kan submit thei bawk si a. Chutiang chuan member tur chu
Pu Speaker, nangman i ruat tur an ni nghe nghe a, tupawh i
ruat thei a, chuvangin tiang hian kan propose chhina.
Pu Zosima Pachuau, Pu Tawnluia, Pu H.Rammawi, Pu Lian-
suama, Pu F.Manghnuna, Pu H.Thansanga te kan ruahman chhin
a. Tin, tluang taka kan kal chuan October thlaah emaw chuan
Pu Speaker, Assembly kan session a ngaih hmel a, harsatna te
kan nei anih loh chuan chumi avang chuan hemi Select Committ-
ee ina an report an lo amend emaw a tul ang ang an lo commis-
sion emaw an siam hun tur he House ti mai ila, an peih hun
tur anga ruahman hman chhinna kan neih pawh September 30.93
nise. Tichuan session kan nei leh ngai anih chuan kan con-
sidered thei ang tiin ka ngai a, kha kha a awmia chu a ni
a, min pawmpui thei se kha kha a tha ber zawkin a fim ber
zawk ang a.

PU R.ROMAWIA : Pu Speaker, a tenghneng lo
chungchangah chuan a member
ho zingah khan Secretary kha
a bul tum ber a ziak pathumna
ni si kha vote thlak hunah vote a nei ve thei loyang te kha
a ri leh tlat a, khati chung si khan engatinge anmahni
khan an khalh an khalh a, tha an tih theih zawka kha ania
ka ngaihtuah zawk.

Tin, chu chauh a ni lova, a
quorum te kha a member zawng zawngten han ti ila 15 lek
kan ni a, 10 kha quorum a ni a, ro an rel lo fovang.
Thla thum danah meeting zel tur an ti a, chuvang chuan
sawi tur hi tam tak awmin ka hria a.

S P E A K E R : Tunah hian a thu a kha sawi ta
ila, kan ngaihtuah dawn thei
chuang lova, a hmaa lo sawi
lawk kha a chakawm hle nachung-
in awmzia a neih hun tur chu committee in a an ngaihtuah
hnu report a kha kan la thliar thei dawn a, a tul chuan
hei hi chu i siam tha ang kan ti thei a.

Tin, kan aiawh te kha an hming
pawh an rawn lam a, khang hnenah khan kan sawi thei a, kan
thiante vek an ni a. Khatia siam that deuh tur leh a hmel
hmang turte a awm hunah ti ta chauh ila chuan kan ngaih-
tuahna te a famkimin a that a rinawm zawk a, a khawi ve ve
pawh hi a tha thin a. Amaherawhchu Bill neitu in a fawn
move a, kan dan en khan a rawn move nghal thei a, mahse
keiin ka lo tan bulh sak a, a rawn titluan tho va, a rawn
tih ang khan buk theih a ni a. Buk kher loh khan a tha
mai alawm maw le. Thei ila chu kan lungual zia tih lan
nan a duhawm a, pawm mai ang aw. A lawmawm e.

PU ANDREW LALHERLIANA : Pu Speaker, thil pakhat sawi
duh lawk ka nei a, Select
Committee neih hmasak khan a
report official kha a member
ang khan tih thin a ni a, duhzawng an lo nei a, a leh lam-
ah khan min khalh an tum leh thin a, rinain sawi a hreh-
awm a ni. Chuvangin tun tuma a rawn propose khan a offi-
cial a te kha full member anga telh tawh loh chi niin ka
hria. Amahni duh zawnga mi khalh vak an tum thin a, chu
chu kan sawi tel duh a ni.

PU LALRINCHHANA : Pu Speaker, hei vawiina kan
Bill tih dan phung hi thil
fel lo deuh mai a awm a. House
ah Bill kan pu lut a, House mem-
ber ten a that lohna kan sawi hmain a fel love Select Commi-
ttee in ngaihtuah ~~xxxx~~ rawh se tih nghal ringawt mai hi hei
hi a fello khawp mai a. Hemi kawngah hian House a mualpho in
ka hria. Tunhuah chuan tiang hi awm tawh lo turin tan kan
lak a pawimawh hlein ka hria.

S P E A K E R : I tum ang u, thil tha ber hi tih
kan tum chho zel a, hma kan sawn
zel ania. Select Committee te
pawh hi kan active sawt viau va,
Assembly Committee hrang hrang pawh kan active zel a, a lawm-
awm a, vawiinah pawh hei hi kan memberte an thawh hah viau
va, a phuau a, a chhah em mai an let thiam lo a ni ang te
tih a ni a, kan thiam em vanga leh anih aini a tulna vanga
tih a ni a, kaihhruaina atan chuan a tha tawkin ka ring a.
A thlak theih chu kan la tidanglam ang a, hei hna tha takin
kan thawk chho zel ang a, hei pawh hi rang takin an rawn ti
thei em ang chu maw. Vawiin atan chuan kan thu ngaihtuah te
zo ta maiah in ngai ilangin naktuk dar 10:30 Pathianin rem a
tih chuan kan kalkhawm leh dawn nia. 11.55.

The sitting was adjourned till
10:30 AM on 2.4.93.